



興國州志卷之三十一

時事志

天時人事變遷不一晉書司馬彪傳云立史官以書時事正謂此也舊志有祥異志天時也而人事之變莫若兵警今并錄之而為時事志焉

祥異

宋

英宗治平二年夏六月放生池中蓮一葩兩房同附軍廩小池中蓮雙花連蒂

興國州志

卷三十一

祥異

孝宗乾道七年春旱夏秋尤甚至冬不雨

八年大旱據宋史本

紀增入

十年旱據宋史本紀增入

淳熙七年自七月至九月不雨 八年自七月至十一月不雨

十年七月旱 十一年旱 十四年七月旱蝗

光宗紹熙四年六月大水漂民廬舍有溺死者

甯宗慶元五年大水

據宋史本紀增入

六年大風壞船六十餘艘

嘉定甲申學宮泮池蓮駢花并實至三至四

按宋史甲申係嘉定

十七年

八年春旱

理宗景定五年十一月壬寅地震是年大旱

此時興國尙屬宋

度宗咸淳五年二月高電大如馬首小者如雞子殺禽獸無算

十年有鳥百餘飛至郡西白閩山巔狀如人立去而復來者數

次宋帝熈德祐元年即至元十二年興國軍當是此年屬元按宋史至元十七年宋亡

元

順帝至正三年秋大旱興國路永興縣雷震擊死糧房冊書尹章

于縣治朱書其背云有旱却言無旱無災却道有災未庸殲厥

渠魁且擊庭前小吏據元史五行志增入

明

正統間患虎知州樊繼禱於城隍神越數日兩虎鬪死於南市

興國州志

卷三十一 祥異

成化十年秋大水民皆乘船入城 十九年北分司火延燒丁字

街 二十年大旱民食草木葉多殍

弘治七年冬祁寒樹枝凍折 十三年北分司火延燒丁字街秋

大水船入城

正德二年正月朔大昕儒學戟門外五色雲拔地起 三年竹花

結實可食 四年八月朔未時日食既晦如夜是年旱米貴天

雨黑穀如棗民食草實 五年旱 五年六年東鄉興教崇慶

諸里患虎約噬六七百人 十三年大水 十四年六月新堤

火延及東關外

嘉靖五年蝗禾幾盡 七年春大風起蛟 十二年冬祁寒樹枝
凍折 十三年夏旱 十四年春州市火民舍幾盡張氏一門
焚死二十三人夏大水 十六年夏旱大水 二十三年三月
三日大雨雹殺鳥獸草木大者重四五觔屋椽爲折大澤源下
彭源二處尤甚是歲夏秋大旱饑 二十四年旱 二十五年
龍王廟鐘鳴 在州南三十里士人陶弼讀書處是科弼中式
三十年九月二十六日夜大風拔木長河及明網諸湖舟多覆
溺人無算 二十一年患虎崇慶樂平二里尤甚

萬曆六年龍水驟至吉口慈口二里田盡沒 七年夏旱 八年

興國州志

卷三十一 祥異

三

蝗遍野秋大風城市屋脊牌坊俱圯 九年旱 十年旱 十

七年大旱疫 三十六年夏大水 四十一年大水入城 四

十五年鹽一觔價三錢 四十八年秋大水冬大雪四十日

天啟元年正月大雪二十一日自午至酉雨黑雪如穀人畜多凍

死薪貴無鬻者鹽一觔價四錢 三年龍水自通山大至陽辛
排市等處廬舍漂沒老幼死者以千計

崇禎元年七月初九日大風拔木儒學署右古松折數十株 二

年春旱二麥不登秋大旱民多饑殍 十五年大疫飛蝗蔽天

十六年有鳥數萬形似鴉而小噪集之處林野皆滿 十七年

六月初十日鄉兵勒茅坪寨賊鄭老大等戰敗殺傷過半是日
雪週其地十里所

國朝

順治二年乙酉正月朔暴熱如夏五月流賊過境殺掠一空鹽一
兩價三分米一升價八分 三年丙戌秋大疫大麥一石價一
兩八錢 八年辛卯正月有鴛鴦數十飛集蓮花池中數旬始
去 二月二十七日夜大雨雹碎屋折樹麥苗野菜俱成泥既
旱池塘圯深三尺八月雨禾乃反生

康熙二年癸卯八月濤雨二十餘日大水入城經冬不退 十月

興國州志

卷三十一

祥異

四

十三日大西門外火延燒城內至大東門外民倉皇赴水死者
以千數知州楊遵給棺收殮盡發常平倉穀以賑灾黎 三年
甲辰八月二十二日大火大東門內俱燼延燒十字街丁字街
及小西門

雍正六年麥穗兩岐

乾隆五十年乙巳大旱

道光十一年辛卯大水入城 十九年己亥大水入城 二十年
庚子六月大東門外火延燒數十餘家 二十八年戊申大水
二十九年己酉大水入城八門俱浸壞民屋無算

同治十一年壬申十月二十六夜富川門外火焚數十餘家延燬富川樓冬十一月二十四日雙虹見於西北方

光緒三年大疫連歲不止斃人無算 十二年大雪平地深二尺經旬不霽 十三年大旱自六月至十一月不雨澤涸川竭塘堰成蹊十二月大雪平地厚二尺許積月不消大樹凍折民多餓斃 十四年七月陰雨大作朝陽崇慶東鄉興教興瑞等處同日起蛟山溪陡漲衝毀隄堰漂沒田廬淹斃人口以百計十二月大雪平地深尺餘 十五年正月二十二日城北二里雷震斃二人七月景星見東南

兵警

唐僖宗乾符末黃巢亂江南永興民皆亡為盜鄂州刺史崔紹募民強雄者為土團軍賊不敢侵於是人人知兵僖宗光啟二年永興民吳討據黃州駱殷據永興二人皆隸土團者也昭宗乾甯初杜洪為鄂州節度使自將擊討乞師淮南楊行密遣將朱延壽助之延壽拔黃州俘討獻京師駱殷棄永興走行密取其地洪得駱殷倚為心腹間取永興守之行密使李神福劉存率舟師萬人討洪殷又棄永興走縣人方詔守以待命神福得詔大喜以永興壯縣餽餼所_以鄂半矣遂進圍鄂州州旋陷

興國州志

卷三十一

兵警

洪被執

見唐書

宋高宗建炎三年金人窺洪州由黃州渡江至武昌縣上岸遂入

興國軍大冶縣界取山路犯江西

見宋史

高宗建炎四年九月李成遣馬進犯興國軍

見宋史

高宗時瑞昌興國之間茶商失業聚為盜賊樞密都承旨洪遵奏

請揭榜開諭許其自新願充軍者填刺願為農者放還上可之

紹興時李成據江淮湖湘十餘郡連兵數萬朝廷以張俊為招討

使岳飛副之元年三月張俊岳飛大敗李成於樓子莊

在江西建昌縣

遂復筠州復追至江州成勢迫截江而去走蘄州降於偽齊已

而興國軍等處羣盜皆遁

景定元年春二月江西帥司言興國民被兵存者奔竄他所

見宋

史理宗本紀

元世祖至元二十三年勅禁漢民持鐵尺手搥及杖之有刃者悉輸于官興國軍以籍兵器致亂行省命陳天祥權知本軍事天祥命以十家爲甲十甲爲長弛其器以從民便境內遂平其後代者務更舊政治隱匿兵器甚急天祥去未久興國復變鄰郡及大江南北諸城邑多乘勢殺其守將以應之

至正十一年辛卯羅田徐壽輝舉兵作亂以紅巾爲號十二年壬

興國州志

卷三十一

兵警

七

辰遣僞將丁普郎徐明遠等陷漢陽並陷興國乙未有龍麻線之變雞犬無遺燕巢林木丙申吳朝貴繼起酷暴尤甚庚子陳友諒據九江乃殲朝貴

明崇禎五年四月湖廣流賊自興國入江西泰和吉安等處

崇禎十年袁繼咸除湖廣叅議分守武昌以兵搗江賊巢興國大

治山中擒賊首呂瘦子降其黨千餘人

見明史

崇禎十六年張獻忠陷武昌改武昌府曰天授府以興國州柯陳兩姓土官悍勇招降之

國朝順治二年閏六月英親王奏流賊李自成率眾二十萬聲言

欲取南京官兵水陸躡其後追及承天德安武昌富池口

順治四年正月湖廣總督白永盛奏興國州等處砦寇悉平初陳友諒遺孽有興國州土賊柯抱冲者與何騰蛟結連遣其黨陳珩玉等殺武昌同知即肇陳同知張夢白寇掠江西武甯南贛總兵柯永盛遣將分勦連破賊砦抱冲珩玉並就擒斬

順治五年江西總兵金聲桓叛興國孝感雲夢黃安麻城蘄州諸土賊亦皆蠢動湖廣提督柯永盛分兵防守要地遣將搜勦賊寨以時奏捷

順治五年閏四月湖廣總督羅鼎繡奏興國劉大刀與僞總督

興國州志

卷三十一

兵警

八

鮑瑞玉合謀爲亂游擊張國鼎等勦平之

康熙二十七年五月湖廣督標夏逢龍因裁兵作亂震動四邑州屬戒嚴官軍旋平之

道光二十一年辛丑冬崇陽鍾人傑等因書差苛索錢糧致變鄰境震動州人士捐貲練勇至通山界防堵旋聞官軍平之乃還咸豐二年冬廣西賊僞太平王洪秀全等由湖南竄湖北十二月初四日省城陷州人聞變遽徙避

三年正月賊棄省城水陸並下過富池焚漕倉越數日提督向榮尾賊過州

三年五月粵匪分股由江南竄江西八月由江西上竄入州大掠數日始去初十日荆門直隸州知州李棟駐師田家鎮渡江逐賊于半壁山孤軍追擊至富池戰歿今富池地藏廟後有碑紀其事十月初二日賊船復入州旋退是冬出沒城鄉

四年九月廿日道員羅澤南由陸路追賊至州二十五日提督塔齊布亦至分兵兩路夾擊羅軍中途遇賊敗走之十月初十日大破賊於半壁山

五年正月賊復上竄初七夜由半壁山入州境按察使司胡林翼由九江拔營援鄂道經州會都司石清吉擊賊於雙港旋由通

興國州志

卷三十一

兵警

九

山進省賊復踞州城

六年六月二十四日偽翼王石達開統賊衆數十萬上竄官軍迎擊賊敗走復由州下十一月道員李續賓尾賊至州州境始清

七年撫院胡林翼委候補府邢高魁駐州督辦團練立十六團以時相機防堵又設釐金局委員抽收以助軍餉

一在州治一在富池

五月賊圍黃州六月初道員李續宜上援踞兵北門外獅子岡十二月十八日臨江潰賊至柯樂源道員邢高魁移營下馬石防堵失利賊入州城二十五日道員孫守信將步馬軍大破賊於州東下港橋逸出者各團遮而殲之

十一年三月初大治縣土匪滋事州營叅將溫發魁將兵防堵
四月賊目偽忠王李秀成由江西竄入州境副將余際昌候補府
唐都司江遇賊失利五月初五賊撤民牆輒石以爲城梁
六月初七日州城賊夜遁竄龍港利亨二團遮擊之賊目卽某殊
死鬪仁信二團援勇夾擊擒殺數百人賊眾大潰十四日官軍
至三溪口十九日賊盡竄入江西武甯等處所至殺掠一空
同治六年二月十二日擒匪竄蘄州廣濟等處流民紛紛南渡官
飭團勇沿江巡邏以爲礮船聲援南岸諸州縣始得安堵